

Bosna i Hercegovina
BRČKO DISTRIKT
BOSNE I HERCEGOVINE
Skupština Brčko distrikta BiH



Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
Скупштина Брчко дистрикта БиХ

Na osnovu člana 22 Statuta Brčko distrikta BiH („Službeni glasnik Brčko distrikta BiH“ broj 3/07), člana 45 Poslovnika Skupštine Brčko distrikta BiH – prečišćeni tekst („Službeni glasnik Brčko distrikta BiH“ broj 11/03), a na Prijedlog Komisije za rad, zdravstvo i socijalnu zaštitu Skupštine Brčko distrikta BiH, broj: 013/1091/07 od 13. decembra 2007. godine, Skupština Brčko distrikta BiH na 60. redovnoj sjednici održanoj 18. decembra 2007. godine, usvaja

ODLUKU
O PRISTUPANJU IZRADI IZMJENA ZAKONA O DRŽAVNOJ SLUŽBI U
ORGANIMA UPRAVE BRČKO DISTRIKTA BiH

Član 1

Ovom odlukom pristupa se izradi izmjena Zakona o državnoj službi u organima uprave Brčko distrikta BiH («Službeni glasnik Brčko distrikta BiH», brojevi 28/06, 29/06 i 19/07) (u daljnjem tekstu: Zakona) u dijelu koji reguliše ocjenjivanje rada, odnosno odredaba glave XXV.

Član 2

Izrada navedenih izmjena će obuhvatiti članove 66, 67 i 68 Zakona, te analogno navedenom, izmjenu i ostalih relevantnih članova Zakona, kao i izmjenu podzakonskog akta donesenog na osnovu ovog zakona – Pravilnika o ocjenjivanju.

Član 3

S obzirom na to da su određeni nedostaci i slabosti uočeni nakon prvog ocjenjivanja, prethodno pomenute izmjene će dosadašnje ocjenjivanje definisati kao probno, pa se rezultati neće unositi u personalne dosjee zaposlenih, niti će proizvoditi bilo kakav pravni efekat.

Član 4

Za sprovođenje ove odluke zadužuje se gradonačelnik Brčko distrikta BiH, da u najkraćem roku sprovede sve aktivnosti potrebne radi postizanja ciljeva ove odluke.

Član 5

Ova odluka stupa na snagu danom donošenja i objavit će se u «Službenom glasniku Brčko distrikta BiH».

Broj: 0-02-022-154/07

Brčko, 18. decembra 2007. godine

PREDSJEDNIK
SKUPŠTINE BRČKO DISTRIKTA BiH
Prof. dr. Milan Tomić, s.r.